



- SENAT –

Broj: 01-19-5/20

Sarajevo, 09. 09. 2020. g.

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17), članom 59. Statuta Univerziteta u Sarajevu, u cilju zaštite zdravlja i prevencije zaraze korona virusom (COVID19) svih studenata i zaposlenih osoba na Univerzitetu u Sarajevu, a u skladu sa preporukama i naredbama kriznih štabova CŽ FBiH i KS, Senat Univerziteta u Sarajevu je na 18. elektronskoj sjednici održanoj 09. 09. 2020. godine, *d o n i o s l j e d e ć e*

ZAKLJUČKE

1. Nastava u studijskoj 2020/2021. godini počinje 12. 10. 2020. godine, poštujući specifičnosti teoloških fakulteta koji početak nastave i radni kalendar mogu uskladiti sa svojim vjerskim blagdanima, s tim da se trajanje nastavnog procesa neće mijenjati, a nastava zbog kasnijeg početka od sedam dana će se nadoknaditi do kraja zimskog semestra studijske 2020/2021. godine.
2. Prijem brućaša će se organizirati u prostorijama fakulteta/akademija 12. 10. 2020. godine uz poštivanje svih propisanih epidemioloških mjera.
3. Realizacija nastavnih aktivnosti u studijskoj 2020/2021. na Univerzitetu u Sarajevu započet će kombiniranim modelom koji podrazumijeva:
 - a. Online režim izvedbe teoretske nastave, konsultacija i drugih oblika nastave gdje je to moguće;
 - b. Nastava u učionici za realizaciju vježbi i dijelova nastave i konsultacija koji podrazumijevaju praktični rad studenata;
 - c. Kontinuirane provjere znanja tokom semestra se mogu održati u online režimu i/ili u učionici u prostorijama organizacione jedinice i nastavnih baza.
4. Odluku o načinu i modelu realizacije nastavnih aktivnosti donosi vijeće organizacione jedinice na prijedlog odbora za osiguranje kvaliteta, i o istom izvještava Univerzitet u Sarajevu.
5. Svi oblici nastavnih aktivnosti i bez obzira na režim izvedbe (online ili u učionici) realiziraju se prema prethodno utvrđenom rasporedu, vodeći računa o raspoloživim ljudskim i prostornim kapacitetima, broju studenata u grupama, te propisanim epidemiološkim mjerama.
6. Pri realizaciji nastavnih aktivnosti u učionici obavezno voditi računa o propisanoj fizičkoj distanci od najmanje dva metra između osoba, kako u učionicama tako i u pristupnim prostorima (holovi, hodnici), kao i sanitarnim čvorovima, kao i svim drugim od nadležnih institucija propisanim epidemiološkim mjerama.

7. Zaključci Senata pod rednim brojevima 1. i 2. će se uvrstiti u Odluku o izmjeni Akademskog kalendara za studijsku 2020/2021. godinu.
8. Univerzitet u Sarajevu će pratiti epidemiološku situaciju i naredbe i preporuke kriznih štabova, te u skladu sa istim i u saradnji sa resornim Ministarstvom prilagođavati svoje zaključke i odluke vezano za realizaciju svih nastavnih aktivnosti.

REKTOR

Prof. dr. Rifat Škrijelj



Dostaviti:

- Ministarstvo za obrazovanje, nauku i mlade KS
- Krizni štab FBiH
- Krizni štab CŽ KS
- ⊖ Služba za pravne poslove
- U dokumentaciju Senata
- a/a